

въпад сомнения, прошу и мил ся дею, да ми некая целебная присыплеши и мое неразумие упокоиши и заповедь господню исполниши. Аще и стужати тебе срамляюся, молчати же утесневаюся, не премолчит бо во мне многопытный мой помысл, хоцет ведети, ему же несть господин, тцтится найти, его же несть изгубил, мыслит чести, его же несть изучил, хоцет победити, ему же несть победим. Тем же аще ты силна и богата сотвори бог, ими же благодательствуется душа, давай просящему у тебе господа ради, весь день рече милоуя и взаим дая слово божие и приемля любо- трудне заимъство с лихвою. Таковая бо творяще сладце подаваема просящему с любовию многая даруется. Сия бо главизна любви многая пишется, а идеже есть любви || по бозе, тамо всем заповедем совершение. л. 74 об.

Сия бранем отъятие и любопрения исчезновение, якоже пророк глаголет, яко тамо заповеда господь благословение и живот до века, яко же бо и раскол безгодный смерти соделовает и брани многия воздвизает и погибели. Увы мне, многим душам ходатайствует сице и любовь и единомыслие от сердца чиста благая живота з безбоязньством всяким и опасением подает, но небесная благая ти дарует, ведяще мы грубии, еже о господе благоразсудное твое прежде всех, якоже и во всех добродетелех преукрашенное послушание. Паче же идеже аще приобретение будет, иже от бога данному ти таланту худо, яко воистину и грубо посылаем писание реченное во уме приемши, воспроси бо рече отца твоего, известит ти старца твоя и рекут || тебе сими нашими письмены. Молим твое добродетельное совершение, еже послати нам ненаученым ни делом, ни словом ненаказанным. Зело бо желает, яко некий ловец хитрый тцтится лов уловити или якоже елень на источники водный, сице и мы желаем от тебе слышати и видети твоего разума посещение. И о сем убо довлеет нами реченная и паки довлеет, да не ушеса твоя честная многоречением грубым упражню, о той убо главизне слово ныне да воспримется, и что нашего настоящего прошения разум и желания подвиг предиды слово скажем, господь помощник и покровитель бысть купно нама и сотворит твоя молитвы действены. Аминь. По сих, отче, глаголю честности твоей, благодарения ти безчисленная воздаю за труды твоя, понеже за все мя || святыми своими писаниями посещаеши и мое желание исполняеши. В настоящи же сия доволна суть. Возмогай о господи душевне и здравствуй телесне и друга своего меншаго яколе обычествовал еси любви и некогда во благополучно время и о тех вопросах моих ко мне отпиши и о сем венец нетленный воспримеши. Аминь. л. 75 об.

(КПИ, № 29, лл. 73 об.—75 об.).